

bedeutet solches ein guten trost vñ hoffnung/ welcher sie in ihrem kummer vñ betrübniß von nöthen: Dañ zu/ gleich wie niemand zu dem/ der zuvorhin wol gesihet/ pfleget zusagen/ sey getrost/ du wirst sehend werden/ sondern zu dem alleyn der erblindet ist/ Oder auch nicht zu einem gesunden vnd wolfärtigen/ gehab dich wol/ du wirst in kurtzen von deiner schwachheit widerumb auffstehen: Also were es auch wider den gemeynen brauch/ daß wir einen/ dem es glücklich vnd wol gienge/ fast trösten wolten/ dieweil er solchs nicht bedarff. Aber die bekümmerten/ leydigen vnd trostlosen/ trösten wir auß mitleiden vnd barmhertzigkeit/ ihnen damit anzuzeigen/ vnseren guten willen/ damit sie desto kecker werden/ vnd ihres vnglücks desto ehe vergessen. So derwegen ein glaubwürdige person/ von welchem wir am ende des andern Buchs meldung gethan/ einem Armen vnd mit trübsal angefochtenen Menschen/ im Traum zuschreyet/ vnd ihm seiner bekümmernisse erledigung anzeigt/ mag er das jenig so ihm solcher gestalte angesaget wird/ ohn schew für glaubwürdig annemen: So aber dieselbige person/ welche jemand dergleichen etwas verkündiget/ nicht rechteschaffen/ vñ wie sich gebüret/ soll ers für falsch vnd betrügerey erkennen.

Von Wunden/ Narben vnd Wund- masen.

Das XXXV. Capitel.

Zäumet einem/ daß er verletzt vñ verwund seye/ an welchem ort des Leibs es seye/ hat ein gleiche bedeutnuß/ mit dem/ daß ein gāzes glied verletzt seye.

Æ 5